

Рамазон ойи кирганда жаннат эшиклари очилади | Сийрат дарслари (287-дарс)

Сийрат дарслари Шайх Мұхаммад Содик Мұхаммад Йосуф роҳимаҳуллоҳнинг «Бу – Расууллоҳ соллаллоҳу алайҳи васаллам» таржима китоблари ва «Ҳадис ва ҳаёт»нинг 19-жузъи асосида бериб борилади. Мавзуларнинг тўлиқ матни билан танишиш учун китобнинг ўзига мурожаат этиш тавсия этилади.

19:00 / 22 июнь 240

441. Абдуллоҳ ибн Аббос розияллоҳу анҳумодан ривоят қилинади:

«Бир аъробий Набий соллаллоҳу алайҳи васалламнинг ҳузурларига келиб: «Мен ҳилолни кўрдим», деди. **«Лаа илааҳа иллаллоҳ» деб гувоҳлик берасанми?»** дедилар. «Ҳа», деди. **«Мұхаммад – Аллоҳнинг Расули» деб гувоҳлик берасанми?»** дедилар. «Ҳа», деди. **«Эй Билол, одамларга эълон қил, эртага рўза тутсинлар»**, дедилар.

Абу Довуд, Термизий, Насойи, Ибн Жоруд, Ибн Хузайма ва Ибн Ҳиббон ривоят қилишган.

442. Оиша розияллоҳу анҳодан ривоят қилинади:

«Расууллоҳ соллаллоҳу алайҳи васаллам айтдилар: **«Одамлар оғиз очган куни Фитр (ҳайити)дир. Одамлар қурбонлик қилган куни Қурбон (ҳайити)дир».**

Термизий ривоят қилган.

443. Абу Ҳурайра розияллоҳу анҳудан ривоят қилинади:

«Расууллоҳ соллаллоҳу алайҳи васаллам: **«Рамазон ойи кирганда жаннат эшиклари очилади, дўзах эшиклари ёпилади ва шайтонлар**

кишанланади», дедилар».

Бухорий ва Муслим ривоят қилишган.

Бошқа ривоятда: «**Рамазон келса, жаннат эшиклари очилади**», дейилган.

Бухорий ривоят қилган.

Бошқа ривоятда: «**Рамазон ойининг аввалги кечаси бўлса, шайтонлар ва ўзбошимча жинлар кишанланади. Дўзахнинг эшиклари ёпилади, улардан бирор эшик очилмайди. Жаннатнинг эшиклари очилади, улардан бирор эшик ёпилмайди. Бир нидо қилувчи: «Эй яхшилик истовчи, келиб қол! Эй ёмонлик истовчи, бас қил!» деб нидо қиласди. Аллоҳнинг дўзахдан озод қилинган(банда)лари бўлур. Ҳар кеча шундоқ бўлади**», дейилган.

Термизий, Насойи, Ибн Можа, Ибн Хузайма, Ибн Ҳиббон ва Ҳоким ривоят қилишган.

444. Ҳафса розияллоҳу анҳодан ривоят қилинади:

«Расулуллоҳ соллаллоҳу алайҳи васаллам: «**Ким фажрдан олдин рўзани қасд қилмаса, унинг рўзаси йўқдир**», дедилар».

Абу Довуд, Термизий, Насойи, Ибн Можа ва Ибн Хузайма ривоят қилишган.

445. Оиша розияллоҳу анҳодан ривоят қилинади:

«Расулуллоҳ соллаллоҳу алайҳи васаллам бир куни менга: «**Ҳой Оиша, ҳузурингизда бирор нарса борми?**» дедилар. «Эй Аллоҳнинг Расули, ҳузуримизда ҳеч нарса йўқ», дедик. «**Ундай бўлса, мен рўзадорман**», дедилар. Расулуллоҳ соллаллоҳу алайҳи васаллам чиқиб кетдилар. Шунда бизга ҳадя берилди ёки бизга зиёратчилар келди. Расулуллоҳ соллаллоҳу алайҳи васаллам қайтиб келганларида: «Эй Аллоҳнинг Расули, бизга ҳадя қилинди ёки бизга зиёратчилар келди. Сизга бир нарса беркитиб қўйдим», дедим. «**У нима?**» дедилар. «Ҳайс», дедим. «**Олиб кел**», дедилар. Мен олиб келдим ва ундан едилар. Сўнгра: «**Эрталаб рўза тутган эдим**», дедилар».

Муслим ривоят қилган.

Ҳайс – арабларнинг хурмо, сариёғ, қурут ёки унни аралаштириб тайёрлайдиган таоми.

Расулуллоҳ соллаллоҳу алайҳи васаллам» китобидан

Ушбу китоб Ўзбекистон Республикаси Дин ишлари бўйича қўмитанинг 2022 йил 30 ноябрдаги 03-07/9078-рақамли хulosаси асосида чоп этилган.